



# Ազդարարության Trumpet's Sound Փող

48-րդ ՏԱՐԻ, ԱԿԱՏՐԱԼԻԱ  
ՄԱՅԻՍ - ՀՈՒՆԻՍ 2017





# Հայ Ավելարանական Եղբայրների Եկեղեցի ARMENIAN EVANGELICAL BRETHREN CHURCH

BI MONTHLY CHRISTIAN PUBLICATION  
PUBLISHED BY THE  
ARMENIAN EVANGELICAL BRETHREN CHURCH  
112 SAILORS BAY ROAD, NORTHRIDGE,  
NSW 2063 Australia

PASTOR HRATSH KIUJIAN  
ARMENIAN EVANGELICAL BRETHREN CHURCH  
PO BOX 1593, CHATSWOOD NSW 2057  
email: pastor@armenianbrethren.org  
URL: www.acmaust.org

«ԱԶԴԱՌԱՐՈՒԹՅԱՆ ՓՈՂ» երկամսյա թերքը Սիդնեյի Հայ Ավելարանական Եղբայրների Եկեղեցու հրատարակությունն է: Պատասխանատու խմբագիր՝ հովիվ Հրաչ Գույնեցյան:

Այս թերքը անվճար բաժանվում է հայրենիքում: Ցանկացողները կարող են դիմել նշված հասցենով:

## ԲՈՎԱՆԴԱԿՈՒԹՅՈՒՆ

Հիսուսը՝ մեր միջնորդը .....	Հովիվ՝ Հրաչ Գույնեցյան
Երբ Աստված չի համագործակցում .....	Ուեքս Տիրլավ
Հաց և ձուկ 20,000 հոգու համար .....	Դոկտ. Չեւլո Բասսարա
Տեղը՝ մեր պաշտպանը .....	Դոկտ. Եղիա Պապիկյան
Եբրայեցիներին ուղղված նամակը (բաժին 2, մաս 2) .....	QMBC պանորամա
Ինչո՞ւ ծով պահել .....	Քաղված
Սխալ դատողություն .....	Քաղված
Հոգևոր տնտեսագիտության դասեր (3) .....	Մանկանց ավետ. ընկ.
Մարիամը այցելում է Եղիսաբեթին .....	Դուռ Սթորմը
Ծշմարիտ ապաշխարություն .....	Հովիվ՝ Հովստի Հովսեփյան
Բարի լուր .....	Խ. Գասպարյան

## Հիսուսը՝ մեր միջնորդը

**«Քանզի մեկ Աստված կա և մեկ միջնորդ՝ Աստծո և մարդկանց  
միջև՝ Քրիստոս Հիսուս Մարդը» (Ա Տիմ. 2.5)**

**Մ**եր կյանքում հաճախ ունենում ենք միջնորդների կարիք: Մարդիկ մեղադրում են իրենց ընկերներին հանդիպած դժվար խնդրի լուծմանը չմիջնորդելու համար: Երբեմն ունենում ենք երաշխավորողների կարիք, երբ ուզում ենք բանկից ապառիկ գումար վերցնել կամ վիրահատվել, կամ դատական բարդ գործընթացի մեջ ենք, կամ նոր գործ ենք փնտրում:

Իսկ երբ մեղք ենք գործում, և այն վնաս է հասցնում մեզ, արդյո՞ք միջնորդի կարիք ենք ունենում: Երբ զգում ենք, որ մեր և Աստծո միջև եղած կապը ընդհատվել է, երբ Նրա սերը կրկին գտնելու կարիք ունենք, երբ հոգևորապես կազդուրվելու, մխիթարվելու և ներքին խաղաղություն ունենալու կարիք ունենք, կամ երբ բոլոր մարդիկ լրեն մեզ և ոչ որի ու ոչ մի բանի վրա հույս չկարողանանք դնել, կամ երբ մահվան անկողնու վրա լինենք և անսույզ ապագայի վախից տառապենք, արդյոք միջնորդի կարիք կունենա՞նք, թե՞ ոչ:

Սիրելի՝ բարեկամներ, ճիշտ սրա համար Հիսուսն աշխարհ եկավ: Ահա թե ինչու Նա Իր կյանքը տվեց մարդկության համար: Նա մահացավ, որպեսզի մենք ապրենք:

Աստված սուրբ է. ոչ ոք չի կարող տեսնել Աստծուն և ապրել: Աստծո փրկության ծրագիրն այն էր, որ Իր Որդուն ուղարկեր, որ ամեն Նրան հավատացողը հավիտենական կյանք ունենար:

Հիսուսը դարձավ մեր միջնորդը: Մենք փրկվում ենք հավատքով, Հիսուս Քրիստոսի միջոցով: Մեր և Աստծո միջև եղած անջրապետը վերացավ Հիսուս Քրիստոսի շնորհիվ: Նա Հայր Աստծո մոտ բարեխսություն է անում մեզնից յուրաքանչյուրի համար:

Ահա թե Հիսուսն ինչ աղոթեց թեզ համար.

«Սակայն ոչ թե միայն սրանց համար եմ աղոթում, այլ նաև նրանց համար, ովքեր պիտի հավատան Ինձ՝ սրանց խոսքի միջոցով, որ-

պեսզի ամենքը մեկ լինեն, ինչպես Դու, Հայր, Իմ մեջ ես և Ես Քո մեջ, որ նրանք նույնպես մեկ լինեն Սեր մեջ, որ աշխարհը հավատա, թե Դու՝ Ինձ ուղարկեցիր: Եվ այն փառքը, որ Դու Ինձ տվիր, Ես նրանց տվեցի, որ մեկ լինեն, ինչպես Սենք մեկ ենք. Ես նրանց մեջ, և Դու՝ Իմ մեջ, որ նրանք կատարյալ լինեն միության մեջ. և, որպեսզի աշխարհն իմանա, որ Դու՝ ուղարկեցիր Ինձ և սիրեցիր նրանց, ինչպես Ինձ սիրեցիր: Հայր, Ես կամենում եմ, որ նրանք էլ, ում Դու լինձ տվեցիր, Ինձ հետ լինեն, որ որ Ես եմ, որպեսզի տեսնեն Իմ փառքը, որ Ինձ տվեցիր. քանի որ Դու Ինձ աշխարհի հիմնումից առաջ սիրեցիր: Ո՞վ արդար Հայր, աշխարհը չճանաչեց Քեզ, բայց Ես ճանաչեցի Քեզ, և սրանք ճանաչեցին, որ Դու ուղարկեցիր Ինձ: Եվ Ես Քո անունը հայտնեցի նրանց, և պիտի հայտնեմ այն, որպեսզի այն սերը, որով Դու Ինձ սիրեցիր, նրանց մեջ լինի, և Ես՝ նրանց մեջ» (Հովհ. 17:20-26):

Արդյոք զարմացա՞ր: Նա մեզ սիրող և ողորմող Աստվածն է, մեզ սիրող Հիսուս Փրկիչն է, մեր և Աստծո միջև կանգնած բարեկոսուն է, ով աղոքում է մեր միաբանության և սիրո համար. միաբանություն Իր և Հայր Աստծո հետ ոչ միայն երկրի վրա, այլև Երկնքում:

Թող Աստծո սերը սիրտդ ուրախությամբ ու ցնծությամբ լցնի այսօր:

Հ. Գ.

**«Աստվածաշունչը մեզ տրված է ոչ թե մեր գիտելիքը շատացնելու, այլ մեր կյանքերը փոխելու համար»: Տ. Լ. Մուղի**

**«Ո՞վ Աստված, փրկի՛ր մեզ հանգիստ կյանք վարելու փափագից, մինչ մեղավորները կորչում են դժոխքում»: Զ. Սփերջեն**

**«Մեր խնդիրը պատգամը ընդունելի դարձնելը չէ, այլ հասանելի»: Վենս Հավնը**

**«Մենք շատ զբաղված ենք աղոթելու համար, հետեւաբար շատ զբաղված ենք զրություն ստանալու համար: Մենք չափազանց ներգրավված ենք զործունեությունների մեջ, սակայն քիչ բանի ենք հասնում, շատ ծառայություններ ունենք, սակայն քիչ դարձի եկողներ, շատ միջոցներ, բայց քիչ արդյունքներ»: Բ. Ա. Թորրի**

## Երբ Աստված չի համագործակցում

 այսնագործություն կա, որ մեզանից յուրաքանչյուրն անխուսափելիութեան ունենում է իր քրիստոնեական կյանքի ընթացքում: Դա այն բանի բացահայտումն է, թե Աստված որքան անհամագործակցող է թվում, երբ խոսքը վերաբերում է մեր անձնական կյանքի համար մեր կազմած ծրագրերն իրականացնելուն: Մեզանից շատերը՝ որպես սկսնակ հավատացյալներ, Աստծո հետ հաղորդակցվելու բուռն և խանդակառ ձգտում ունեցանք, երբ մեր ուղբերը դրեցինք քրիստոնեական ճանապարհին: Մենք սկսեցինք մտածել. «Հիմա, երբ Աստված կյանքիս մեջ է, ամեն ինչ ճիշտ իմ ուզածիս պես է ընթանալու: Որքան իրաշալի է Աստծուն ճանաչելը»: Այս միտքը, իհարկե, իրականությունից շատ հեռու է:

Ոմանք իհասրափկում են Աստծուց իրենց պատահած ինչ-որ դրժախտ ողբերգության պատճառով, որի մեջ նկատում են, թե Աստված կարծես լրիվ անտարբեր է: Ոմանք էլ իհասրափկում են Աստծուց չպատասխանված աղոքքների և իրենց կյանքում պատահած հաճախակի հուսախարությունների պատճառով: Ի վերջո, նրանք գալիս են այն եզրահանգմանը, որ կարևոր խնդիրների շուրջ չի կարելի վստահել Աստծուն, կամ հոգևոր գաղտնի, իրենց անհայտ բանաձև կա, որը եթե իմանային, կկարողանային ինչ-որ կերպով ներգրավել Աստծուն իրենց խնդրի մեջ և ունենալ Նրա համագործակցությունն ու ամբողջական աջակցություննը:

Գիրքը գրքի հետևից, խոսնակը խոսնակի հետևից բազմաթիվ առաջարկներ են տալիս մեզ. բայց գործնականում մեր կյանքում կարծես թե ոչ մի բան չի փոխվում: Ոմանք շփորթության մեջ վերջիվերջոն սկսում են հարցնել. «Ի՞նչ պետք է անեմ, որ կյանքիս մեջ ունենան Աստծո համագործակցությունը: Վերջիվերջոն այն, ինչ ուզում են կյանքիս մեջ, բարի և իրավացի է»:

Չատ վտանգավոր աստվածաբանություն է տարածված, որը Աստծուն ներկայացնում է որպես Ալադինի ունեցած կախարդական լապտերի զինի, փափազներ կատարող մի անձնավորության: Ալադինը

պարզապես պետք է ձեռքերով շփեր լապտերը և միջից դուրս կգար ջինը՝ կազմ պատրաստ կատարելու յուրաքանչյուր ցանկություն։ Ո- ո՞ո՞ մարդկանց համար քրիստոնեական կյանքի իմաստն այն է, որ իրենք վերջապես բացահայտեն ու տիրապետեն Աստծո՝ իրենց ցան- կությունները կատարելու ճիշտ բանաձևին։ Այս մոտեցման մեջ Աստ- ված ընկալվում է որպես շահ քերող միջոց։ Որքա՞ն հաճախ են Աստ- ծուց իհասքափկած մարդիկ աղաղակում՝ ասելով. «Եթե Աստված այս կամ այն խնդրի մեջ չի կարող օգնել ինձ, ապա ինչի՞ս է պետք»։ Այս գաղափարախոսությունն Աստծուն տեսնում է որպես միջոցի՝ թվացյալ կարևոր կարիքները բավարարելու համար։ Նրանք մոռա- նում են, որ «մեր Աստվածը երկինքներում է. Նա արեց ինչ որ ուզում էր» (Սադ. 115.3):

Աստված մեր բոլոր որոնումների և փափազների վերջնական և միակ բավարար պատասխանն է, վերջնական նպատակը։ Եթե Աստ- ված է վերջնական նպատակը, ապա Նա չի կարող օգտագործվել որ- պես միջոց՝ հասնելու այլ նպատակի, որը Իրենից այն կողմ է գտնվում։ Աստծուն ճանաչելուց այն կողմ վերջնակետ գոյություն չունի։ Ցան- կացած դրսերում, որ Աստծուն հավասարեցնում է օգտակար գոր- ծակցի, որի շահարկմամբ անձը հավատում է, թե կվարողանս երջան- կանալ և լիարժեքության զգացում ունենալ, դատապարտված է ծա- խորդության։ Աստված մեզ այնքան շատ է սիրում, որ այսախի ման- կական խաղի մեջ չի մտնում մեզ հետ։ Նա լրությամբ սպասում է մեզ, որ գիտակցենք, թե հոգևոր հասունությունը տեղի է ունենում միայն այն ժամանակ, երբ հրաժարվում ենք Իրեն մեր նպատակնե- րին հասնելու համար շահարկելուց և հանձնվում ենք Իր անսահման և խորհրդավոր սիրուն։ Այս դասը յուրացնելու առիթները մեր կյանքի մեջ հաճախ գալիս են ամենամռայլ, ամենացավալի և հիասքափեց- նող պահերին։

Այդ պահերից յուրաքանչյուրում որոշում ենք կայացնում. արդյոք մերժելո՞ւ ենք Աստծո համագործակցությունը, թե՞ անձնատուր ենք լինելու Նրա խորհրդավոր սիրուն, որը ենթակա չէ շահագործման։ Մրանք են ճշմարիտ աճի և հասունության պահերը։

Մեր փափազած բաներից հրաժարվելը, որոնց մասին մեծ պատ-

կերացում ունենք, հավասար է մահանալուն, սակայն սա իսկապես ապրելու առաջին քայլն է: Եթե սկսում ենք հայտնաբերել, որ Աստված մեր սեփական ծրագրերն առաջ տանելու համար համաձայն չէ համագործակցման, այդ ժամանակ սկսում ենք Աստծուն տեսնել Իր ամբողջ գեղեցկությամբ: Քրիստոսը շատ գեղեցիկ ամփոփեց՝ ասելով. «Բայց դուք նախ խնդրեցեք Աստծո թագավորությունը և Նրա արդարությունը, և այս բոլոր բաները պիտի ավելացվեն ձեզ»:

Ուրա Տիրակ

---

Սերծավոր Արևելքում ճանապարհորդող զբոսաշրջիկը մի անգամ կիսվեց իր դիտարկումներով: Նա պատմեց այսպիսի պատմություն. «Երեք հոտեր, որոնց արածեցնում էին տարրեր հովիվներ, ջուր խմելու գնալիս խառնվեցին: Այդ ժամանակ ես մտածեցի, որ հովիվների համար շատ դժվար կլինի իրենց ոչխարներին գտնելն ու դեպի իրենց հոտը առաջնորդելը: Արդյոք կարո՞ղ են նրանք տարրերել իրենց ոչխարներին: Եթե ոչխարները խմեցին, հովիվներից մեկը կանչեց իր ոչխարներին, և նրանք անմիջապես հավաքվեցին այդ հովվի մոտ, իետո երկրորդ հովիվը կանչեց իր ոչխարներին, և դրանք նոյնակա հավաքվեցին նրա մոտ: Այդ ժամանակ ես խնդրեցի երրորդ հովվին, որպեսզի նա ինձ բույլ տա կանչել իր ոչխարներին: Ես հարցրի հովվին.

- Արդյոք քո հոտի ոչխարները արձագանքում են միայն քո՞ կանչին:
- Բացառություն կարող է լինել միայն իիվանդ ոչխարը. առողջները չեն զնա ուրիշների ետևից,- ասաց նա:

Օտարին հետևելը վտանգավոր է: Եկեք ետ կանգնենք նրանցից, ովքեր խոստանում են ինչ-որ իրապուրանք, բայց իրականում խաբում են: Ո՛չ փիլխառնայությունը, ո՛չ գիտությունը ընդունակ չեն պարզելու խկական ուրախություն: Միայն Հիսուս Քրիստոսն է ընդունակ դրան: Եթե հավատացյալը հետևում է Հիսուս Քրիստոսին, ապա դա վկայում է նրա հոգևոր առողջության մասին: Եթե մենք նկատում ենք, որ հետևում ենք ուրիշ բաների, ապա պետք է դառնանք Տիրոջը և հետևենք Նրան:

## **Հաց և ձուկ 20,000 հոգու համար**

### **Հովհ. 6.1-14**

 ովհաննեսը Հիսուս Քրիստոսին ներկայացնում էր որպես Աստծո, ամենակարող Աստծո: Աշակերտները մոռացել էին, որ իրենց հետ ունեին Տեր Հիսուսին, ով ամենակարող Աստված է:

Փորձենք դիտել այս հրաշքը երեխայի աչքերով: Ի՞նչ էր մտածում տղան այդ առավոտյան տնից դրւու զախ: Մայրը հոգ էր տարել նրա մասին, նրան տվել էր ճաշի համար անհրաժեշտ ուտելիք:

### **Փիլիպպոս**

Փիլիպպոսը պատրաստ չէր տալու 200 դահեկան. «Մենք քիչ փող ունենք. 200 դահեկան 20,000 հոգու համար»: 2,000 դահեկան էր անհրաժեշտ: Նրանք ընդամենք 10%-ն ունեին: Փիլիպպոսի համար դա չափազանց քիչ էր, որպեսզի տար Տիրոջը՝ ժողովրդին կերակուր գնելու համար: Փիլիպպոսն արդեն տեսել էր առաջին հրաշքը՝ զուրը զինի դարձնելը: Միաժամանակ նա երկու բժշկություն էր տեսել՝ ազնվականի որդին՝ Կափառնայումում (Հովհ. 4:46-54) և անդամալույծը՝ Բերիեզդայում (Հովհ. 5:1-8):

### **Անդրեաս**

Անդրեասն էր նկատողը, որ տղան տալու քան ուներ: Անդրեասը մոտեցավ ճիշտ երեխային և նրա ամբողջ տվածքը բերեց Տեր Հիսուսին:

### **Անանուն տղան**

Նա գրեթե ոչինչ չուներ: Տղայի ճաշը երևի մեկ դահեկանի 10%-ից ել քիչ էր: Նշանակում էր՝ աշակերտները տղայից 2,000 անգամ ավելին ունեին: Տղան (նա հավանաբար դեռ չէր տեսել Հիսուսի հրաշքները) տվեց պահանջվածի միայն 0.0005%-ը: Քիչը շատ է, եթե Աստված դրանում է: Այս տղայի համբավը տարածվեց աշխարհում, քանի որ նա պատրաստ էր տալու քիչը: Նա սկսեց իր ունեցածով: Աստված սկսում է գործել մեր գտնված կետից ու մեր ունեցածից:

## Աստծո ապահովումը

Աստված այս անհայտ գույզին որդի պարզեց, ով դառնալու էր Աստծո ծրագրի մի մասնիկը: Աստված էր ամեն ինչ դասավորում: Նա տղայի հոր համար աշխատելու հնարավորություններ ստեղծեց, ըստ ամենայնի՝ ձկնորսություն: Աստված տղայի մորը նրբազգաց էր դարձրել որդու կարիքների հանդեպ: Նա որդու համար ճաշ էր պատրաստել, հաց էր թխել ու ճուկ ծխեցրել, որը երևի հայրն էր բռնել: Տղան ճիշտ ժամին ճիշտ տեղում էր: Արդեն ուշ էր, սակայն նա դեռ չէր ճաշել: Նա տվեց՝ ինչ ուներ: Նա շատ չտվեց, այլ տվեց ամեն ինչ: Նա ամեն ինչ տվեց Տեր Հիսուսին:

## Քիչը՝ Տեր Հիսուսի ձեռքերում

Եթե աշակերտները փորձեին ժողովրդին կերակրել այդ տղայի զոհաբերածով առանց Հիսուսի զորության, միայն մեկ մարդ կկշտանար, մնացած բոլորը քաղցած կմնային:

## Տեր Հիսուսը բազմացրեց

Տեր Հիսուսը բազմապատկեց տղայի տվածք: Նա չբազմապատկեց այն, ինչ աշակերտները հոժար չէին տալու: Հիսուսը զործադրեց բազմապատկման սկզբունքը: Տեր Հիսուսը՝ որպես Աստված, կարող է հաց սարքել քարից, նույնիսկ՝ ոչիչից: Նա ամեն ինչի Ստեղծիչն է, սակայն գերադասեց քչից շատը սարքել:

## Պարզ իրականությունը

1. Մեկ փոքրիկ տղայի ճաշը շատերին կշտացրեց:
2. Մեկ փոքրիկ տղայի ճաշը փոփոխություն մտցրեց:
3. Մեկ փոքրիկ տղայի ճաշը բացահայտեց Աստծո զորությունը:
4. Մեկ փոքրիկ տղայի ճաշը կյանքեր փոփսեց:
5. Մեկ փոքրիկ տղայի ճաշն ամրացրեց մարդկանց հավատքը:

Դոկտ. Չեսլով Բասսարա  
(czeslaw7@eta.pl, www.proword.eu)

# Տերը՝ մեր պաշտպանը

## Սաղմոս 121

**Մ**եր երկրավոր ճամփորդությունը միշտ չի անցնում ծաղկաստան-ներով, հաջողություններով. երբեմն հանդիպում են անդաստան-ներ, փոքրիկներ, ճախողություններ: Չանի որ երկրի վրա այսպիսի կյանք ենք ապրում, ի՞նչ պետք է անենք, ո՞րն է այս մռայլ, փշոտ կյանքի բալասանը, դեռ: Ինչպիսի՞ կյանք պետք է ապրենք: Մեր ուղեցույցը՝ Աստծո Խոսքը, մեզ տալիս է Դավթի օրինակը: Դավիթը հասել էր ախտյանության և հաջողության գագաթնակետին՝ տապալելով Գողիարին, նվաճելով ազգերը և բարձրանալով թագավորության աստիճանի: Սակայն Դավիթը նույնապես խմեց կյանքի դառը գագաթից: Ինչպե՞ս: Նա տարիներ շարունակ հալածվեց իր կնոջ հոր կողմից: Սավույն էլ անդադար հալածեց նրան՝ սպանելու նպատակով: Նա նույնիսկ դավաճանանվեց իր զորապետի կողմից, երկու տղաներն իր դեմ ելան և դժբախտաբար նա ընկավ մեղքի մեջ: Ինչպե՞ս սուրբ և զորավոր մի անձնավորություն ընկավ երկու մեծ մեղքերի մեջ՝ բարոյական և փառասիրական: Դավիթն ուզեց իր հպատակ ժողովրդին հաշվել՝ իմանալու նրանց քանակը, և Աստված հարվածեց նրա ժողովրդին՝ սպանելով հազարավորների:

Ի՞նչ դաս ունենք սովորելու այսօր: Դավիթը գտել էր իր ցավերի դեռը: Նա 121-րդ սաղմոսը գրեց: Այս վիճակներում աչքերս դեպի լեռներն եմ բարձրացնելու, որտեղից իմ օգնությունն է գալու: Ինչպիսին էլ լինեն մեր երկրային վիճակները, մեր ցավերը՝ հոգեկան, մտային, նյութական, միակ բալասանը, կողմնացույցը մեր աչքերը դեպի լեռները բարձրացնելն է, որտեղից մեր օգնությունն է գալու:

Երբ Հայաստանում էի, մի քանի ազգային առաջնորդներ ուզեցին, որ հեռուստացույցով իրենց հետ հարցազրույց ունենամ: Հարցը այս էր. «Տեսնում եք մեր վիճակը. ի՞նչ է լուծումը, ի՞նչ եք կարծում»: Պատասխանս հետևյալն էր. «Ես քաղաքագետ չեմ, բայց որպես Աստծո զավակներ՝ եքե երկու պայման գործադրեք, կարծում եմ Հայաստանը կուղղվի: Նախ՝ առաջնորդները թող ձեռք ձեռքի բռնեն, երկ-

բորդ՝ երբ ձեռք ձեռքի բռնեն, բող վեր նայեն: Այն ժամանակ Հայաստանը կուղղվի: Հայաստանի օգնությունը, լուծումը միայն վերևից է, եթե պայմանները պահեք»: Թող իրենց աչքերը բարձրացնեն դեպի Արարատ լեռը: Այս օրերին շրջապատված ենք մեղսալի միջավայրով, ինչպես Նոյի ժամանակ: Անբարոյականություն և ամեն տեսակի մեղք կա: Աստված արդար Նոյին և նրա ընտանիքին ազատեց ջրիեղեղից և տապանի մեջ փրկեց նրանց Արարատ լեռան վրա: Հայ ժողովուրդը ուզում է ազատվել և մաքուր մնալ: Մեր աչքերը բարձրացնենք դեպի Արարատ լեռը, և ազատության Աստվածը մեզ օգնության կհասնի:

Երբ Աքաար թագավորի օրերին Իսրայել ժողովուրդը շվարել էր, Եղիա մարգարեն հավաքեց 950 հեթանոս մարգարեներ Կարմեղոս լեռան գագաթին և ասաց. «Սինչև ե՞րբ երկու մտքի վրա կաղալու. եթե Եհովան է Աստված, Եհովային պաշտեք, եթե Բահաղն է Աստված, Բահաղին պաշտեք»: Եղիան աղոթեց Աստծոն, և Աստված կրակ իջեցրեց՝ փաստելով, որ իսկական ճշմարիտ Աստվածը Եհովա Աստվածն է: Ուրեմն երբ երկմտում ենք մեր երկրային կյանքում, երբ շփորչում ենք, ո՞րն է ելքը: Հավատքով նայենք Կարմեղոս լեռանը, որը Եհովան հայտնվեց, և որտեղից գալու է մեր օգնությունը հարյուր տոկոսով:

Պատահում է, որ երբեմն մեր մեջ էլ հակածառություն է սկսվում: Եկեք այդ պարագայում մեր աչքերը բարձրացնենք դեպի Սինա լեռը, որ Աստված հայտնվեց Մովսեսին և նրան տվեց Տասնաբանյան: Աստված մեզ քրիստոնեական սկզբունքներ է տվել Սուրբ Գրքում, որպեսզի այս կյանքը Իր համար ապրենք և ոչ մեր անձերի համար:

Եզւ մեկ լեռ հիշենք, հատկապես հոգևորներիս համար: Մենք վկայում ենք, որ Աստծոն շնորհով ծնվել ենք Սուրբ Հոգուց ու հոգևոր կյանք ենք ապրում, սակայն իրողություն է, որ Աստծուն պատկանելուց հետո նույնպես երբեմն ունենում ենք հոգևոր սրտխառնոց, անհանգրատություն, երբեմն էլ վրդովվում ենք: Ի՞նչ պետք է անել: Մեր աչքերը բարձրացնենք դեպի Մորիա լեռը: Որպես Աստծոն զավակներ՝ երբեմն լիովին նվիրված չենք լինում Իրեն, շարունակում ենք պահել մի շարք սովորություններ, չենք գտնում լիարժեք խաղաղություն: Այսպիսին եր-

Աբրահամը, մինչև որ Աստված նրան սովորեցրեց լիովին հանձնվել: Նրա ծերության ժամանակ հրաշքով զավակ շնորհեց և հետո խընդուց, որ զավակին Մորիա լեռան վրա զոհի իրեն: Սա նշանակում էր, որ Աբրահամն ամեն ունեցածը պետք է հանձներ Աստծուն: Աբրահամը փաստեց, և Տերը ետ շնորհեց իր զավակին: Հոգևոր կյանքի քաղցրությունը, հանգստությունը, խաղաղությունը ամեն բան Տիրոջ վրա բողնելն է, ամեն բան Նրան հանձնելն է, «Զո կամքը օրինյալ լինի» ասելն է, բոլոր վիճակներում «Տերը սրա մասին տեղյակ է, Աստծո կամքը օրինյալ լինի» ասելն է: Այս ժամանակ զլուխտ բարձի վրա կդնես և կքննես: Մեր բոլոր հարցերը հանձնենք Աստծուն և մեր աչքերը բարձրացնենք դեպի Մորիա լեռը, որտեղից մեր օգնությունն է գալու:

Մենք ապրում ենք 21-րդ դարում և սպասում ենք Քրիստոսի վերադարձին: Ինչպես Զիթենյաց լեռան վրայից համբարձվեց, այդպես էլ վերադառնալու է: Բարձրացնենք մեր աչքերը դեպի Զիթենյաց լեռը: Աշխարհի վիճակը վատրարանում է. բոլոր նշանները ցույց են տալիս, որ Հիսուսը վերադառնալու է: Երբ մեր աչքերը բարձրացնենք դեպի Արարատ լեռը՝ Աստծո ազատությունը, դեպի Կարմեղոս լեռը՝ իդական ճշմարիտ Աստծուն, դեպի Սինա լեռը՝ ուղղություն ցույց տվող Աստծուն, դեպի Մորիա լեռը՝ Աբրահամի Աստծուն, մեր աչքերը բարձրացնենք նաև դեպի Զիթենյաց լեռը՝ մեր Տիրոջն ու Փրկիչ Հիսուս Քրիստոսի մոտալուտ գալուն:

Դոկտ. Եղիա Պապիկյան  
Զարդարած՝ «Հատընտիր հոգևոր պատգամներ» գրքից

---

**«Եվ սա է Հավիտենական կյանքը, որ ճանաչեն Քեզ՝  
միակ ճշմարիտ Աստծուն եւ Հիսուս Քրիստոսին, ում  
Դու ուղարկեցիր» (Հովհ. 17.3):**

## Եքրայեցիներին ուղղված նամակ

### (բաժին 2, մաս 2)

**Օ**րենքը պահանջում էր, որ ամեն օր և ամեն տարի կենդանական զոհաբերություններ կատարվեին, որոնք ընդամենք իշխեցում էին, որ «հճարավոր չեն, որ նոխազմերի և ցուլերի արյունը կարողանա մեղքերը վերացնել» (Եքք. 10.3-4): Սաղմու 40.6-8-ից արված մեջքերումը ցույց է տալիս, որ Աստված իրոք չի ցանկանում կամ չի պահանջում կենդանական զոհաբերություններ և ընծաներ: «Դրա համար կարդում ենք. «Քայց եքք ժամանակը լրացավ, Աստված ուղարկեց Իր Որդուն, որ կնոջից ծնվեց և Օրենքի տակ մտավ, որպեսզի Օրենքի տակ եղողներին փրկագնի, որ մենք որդեգրությունն ընդունենք» (Գաղ. 4.4-5): Մենք կարող ենք որոշակի պատկերացում ունենալ, թե ինչպես էր դա ուրախացնում Աստծո սիրտը. Եքք վերիիշենք այն խոսքերը, որոնք Երկնքից տարբեր առիթներով երկու անգամ հնչեցին. «Սա է իմ սիրելի Որդին, ում հավանեցի» (Մատթ. 3.17, 17.5):

Մեկ անգամ ևս հիշեցվում է, որ ամենօրյա զոհաբերությունները չեն կարող մեղքերը հեռացնել: Այնուհետև տեսնում ենք հսկայական մի հակադրություն. «Մենք էլ սրբվեցինք՝ Հիսուս Քրիստոսի մարմնին մեկրնդմիշտ պատարագվելով:...Քայց այս Մարդը, մեղքերի համար մեկ անգամ պատարագ մատուցելով, հավիտենապես նստեց Աստծո աջ կողմում, այնուհետև սպասում է, մինչև որ Իր թշնամիներն Իր ոտքերի տակ որպես պատվանդան դրվեն: Որովհետև մեկ պատարագով հավիտյան կատարյալ դարձրեց նրանց, որ սրբվեցին» (Եքք. 10.10, 12-14):

Երկու Ուխտերին վերաբերող մանրամասն բացատրությունից հետո եքրայեցի քրիստոնյաների մտքում չպեսք է որևէ կասկած մնար, որ իրենց քահանայապետը իրականում ազդեցիկ և ողջ քահանայապես է, ով Իր արյանը մտել է սրբարանը (Երկնային սրբարանը, ճշմարիտ խորանը)՝ մեզ համար հավիտենական փրկություն ապահովելով (Եքք. 9.12):

### 3. Հարատևելու առաջին կոչք և 5-րդ զգուշացումը (10.19-39)

Այս բաժինը կարելի է բաժանել երեք մասի: Առաջին՝ հավատացյալները հորդորվում են Աստծուն մոտենալու (մի բան, որ նրանք չեն կարող անել Հին Ուխտի ժամանակաշրջանում), անխախտ պահելու քրիստոնեական հույսը և իրար հոգ տանելու՝ սիրո և բարեգործության մղելով (Եբր. 10.19- 25): Երկրորդ՝ նրանք խստորեն զգուշացվում են, որ եթե Քրիստոսից շրջվեն, ապա այլևս մեղքի համար գոհ չի մը նում (Հին Ուխտը հին է դարձել, Եբր. 8.13): Բացի այդ, նրանք Աստծո կողմից խստորեն կպատճենին, քանի որ այդպես անելով՝ ոտնահարած կլինեին Աստծո Որդուն, Ուխտի արյունը և Սուրբ Հոգուն անարգած կլինեին (Եբր. 10.26-31): Երրորդ՝ հավատացյալները խրախուսվում են քննելու իրենց կյանքն ու հավատքի փորձառությունը և Քրիստոսից շշեղվելու, որպեսզի արժանանան Երկնավոր վարձատրության (Եբր. 10.32-39):

**1. Հորդորանք:** Չնայած դրան, որ Նոր Ուխտը հիմնականում Խսայելի համար է (Եբր. 8.8), քրիստոնյաները այժմ կարող են վայելել այդ Ուխտի որոշ օրինությունները: Որպես քահանաներ՝ նրանք կարող են Հիսուսի արյունով մտնել սրբության սրբոցը: Նախկինում քահանաներն ընտրվում էին կոնկրետ ցեղից, սակայն հիմա բոլոր քրիստոնյաներն ել քահանաներ են համարվում և կարող են մուտք գործել Աստծո ներկայության մեջ «(Քրիստոսը) և մեզ քազավորներ ու քահանաներ դարձեց Աստծո և Իր Հոր համար» (Հայտն. 1.6): Իհարկե, մենք չենք կարող դա անել առանց մեր մեծ քահանայապետի օգնության, ով մտավ «բուն երկինքը, որպեսզի հիմա Աստծո առջև ներկայանա մեզ համար» (Եբր. 9.24): Քառակի հորդորանքը հետևյալն է.

(Ա) Եկե՛ք մոտենանք Աստծուն ճշնարիտ սրտով, հավատի կատարյալ վստահությամբ:

(Բ) Եկե՛ք անխախտ պահենք մեր հույսի դավանանքը:

(Գ) Եկե՛ք միմյանց մասին հոգ տանենք՝ սիրո և բարեգործության մղելով:

(Դ) Եկե՛ք մեկտեղ հավաքվելու շրողնենք..., եկե՛ք միմյանց քաջալերներ:

**2. Նախազգուշացում:** Քրիստոսի քահանայապետության, Նոր Ուխտի և Քրիստոսի արյան՝ մեղքերը մեղքնդմիշտ քավելու ուսուցումները լսելուց հետո այսպիսի մեծ փրկությունից հրաժարվելը հրավիրում է սարսափելի պատժի, ավելի սարսափելի, քան Եբր. 6.4-8-ի նախազգուշացումն է: Այստեղ հեղինակը մեղադրում է նրանց, ովքեր վերադարձել են մեղավոր կենաւակերպին, ոտնատակ են արել Աստծո Որդուն, անսուրբ են համարել Ուխտի արյունը և անարգել են շնորհի Հոգուն: Նա ավելացնում է՝ ասելով. «Տերը պիտի դատի Իր ժողովուրդը... Ահավոր քան է կենդանի Աստծո ձեռքն ընկնելը» (Եբր. 10.30-31, համեմատել Բ Օր. 32.35-36-ի հետ):

Բայց մենք պետք է կրկնենք այն, ինչ ավելի վաղ հայտարարել էինք, որ ճշմարիտ քրիստոնյաները չեն կարող կորցնել իրենց փրկությունը, սակայն կարող են կորցնել իրենց վարձատրությունը Քրիստոսի ատյանի ժամանակ: Նաև Աստված կարող է պատժել նրանց ֆիզիկական մահով:

**3. Խրախուսում:** Հեղինակը երրայեցի քրիստոնյաներին հիշեցնում է անցյալի հալածանքների մեջ իրենց դրսնորած հավատարմությունը. նրանք նախատվեցին, նեղությունների հանդիպեցին, ստացվածքի հափշտակությունը ուրախությամբ ընդունեցին, քանի որ զիտեին, որ ավելի լավ և մնայուն հարստություն ունեն Երկնքում: Ուստի քաջալերվում էին, որ չկորցնեն իրենց վստահությունը, որ մեծ հատուցում ունի: Հետո հեղինակը հիշեցնում է այն մասին, որ Տիրոց գալուստը մոտ է, և հորդորում նրանց, որ հարատևեն իրենց հավատի մեջ, ինչպես որ Հին Կտակարանի շատ սրբեր արեցին, ինչի մասին խոսելու ենք հաջորդ գլուխում:

#### 4. Հավատի հաղթանակը (11.1-40)

Հեղինակը մեզ ներկայացնում է Հին Կտակարանի բազմաթիվ տղամարդկանց ու կանանց, ովքեր դժվար և անքարենպաստ հանգամանքներում ուժեղ (հարատևող) հավատ են ցուցադրել: Դա կենդանի հավատ էր, որը երևում էր զործերով:

1-ին համարում գտնում ենք հավատի հստակ սահմանումը. «Արդ հավատը հուսացած քաների հաստատումն է և չերևացող քաների

ապացույցը» (Եքք. 11.1): Այլ կերպ ասած, նրանք, ովքեր ունեցել են նման հավատ, վատահ էին, որ իրենց հույսը կյանքի էր կոչվելու, և համոզված էին, որ կա մի անտեսանելի իրականություն, չնայած որ իրենց ֆիզիկական աշքերով չին տեսնում այն:

Հավատով ենք հասկանում, որ տիեզերքը Աստծո հրամանով է ստեղծվել, ոչնչից է ստեղծվել. Այուրական ոչ մի բան չկար, երբ Աստված ստեղծեց ամեն բան: Աստված էր ամենից առաջ և Նա է ամեն բանի պատճառը (համեմատել Ծննդ. 1.1):

Առանց հավատի անհնար է Աստծուն հաճեցնել. քանի որ Աստծուն մոտեցողը նախ պետք է հավատա, թե Աստված կա և վարձահատույց է լինում Իրեն վիճորողներին (Եքք. 11.6): Եքք տղամարդ ներկայացվում են որպես հավատարիմներ, ովքեր ապրել են մինչև ջրհեղեղը: Արելը, Ենովքը և Նոյը: Արելը Աստծուն մոտեցավ Աստծո ուզած ձևով, Ենովքը Աստծո հետ մտերիմ էր և նարդկանց քարոզում էր այն պատգամը, որը ստացել էր Աստծոց, Նոյը հնազանդվեց Աստծուն՝ կառուցելով տապանը և մարդկանց քարոզելով գալիք դատաստանի մասին: Նրանք Աստծուն հաճեցրին իրենց կենդանի հավատի շնորհիվ:

Հաջորդ հերոսը հավատի հայր Աբրահամն է: Նա ապրում էր քարգավաճ, քայլ կրապաշտ քաղաքում: Երբ փառքի Աստվածը նրան հայտնվեց, նա հնազանդվեց և դուրս եկավ քաղաքից՝ նոյնիսկ չիմանալով, թե ուր է գնում: Նա (նրանից հետո էլ Իսահակն ու Հակոբը) ապրում էր Վրաններում, քանի որ ուխտավոր և օտարական էր, ով «սպասում էր այն քաղաքին, որ իմբեր ունի, որի ճարտարապետն ու արարիչն Աստված է» (Եքք. 11.10, Հայտն. 21.2):

6-րդ դասից սովորեցինք, թե ինչպես Աբրահամն ու Սառան մեծ տարիքում հավատով արու զավակ ունեցան՝ Իսահակին: Նոյն հավատով մի քանի տարի անց Աբրահամը հնազանդվեց Աստծուն և պատրաստ էր Իսահակին զրիելու՝ մտածելով, որ Աստված կարող էր նրան հարուցանել: Իհարկե մենք զիտենք, որ դրա անհրաժեշտությունը չեղավ (Եքք. 11.19): Դրանից հետո մեզ հիշեցվում է Իսահակի, Հակոբի և Հովսեփի հավատը, ովքեր իրենց նախահայր Աբրահամի նման վստահեցին Աստծուն:

## Ինչո՞ւ ծոմ պահել

1. Հոգին, մարմինը և միտքը մաքրելու
2. Աստվածային առաջնորդություն հայցելու
3. Աստծոն երեսը խնդրելու և Իրեն մոտենալու
4. Աստծուն ավելի լավ լսելու և Իր կամքը հասկանալու
5. Աստծուց զորություն խնդրելու, որ քո միջոցով խոսի
6. Հոգևոր զորության և իշխանության դիրք հաստատելու
7. Գերություններից ազատվելու
8. Մտքի պայծառություն ունենալու
9. Ապականող խորհուրդներից մաքրվելու
10. Հուսալքման կապանքներից ազատվելու
11. Սատանայի ազդեցությունը տկարացնելու
12. Փոքրիկների մեջ անխախտ մնալու
13. Հոգով և մարմնով զորանալու
14. Մարմնի ցանկություններից ձերբազատվելու
15. Աստվածատուր պարզեցներն արծարծելու
16. Ծանր բեռներից ազատվելու
17. Մաքուր սիրտ ու շիտակ հոգի ունենալու
18. Ժխտական խորհուրդներից մաքրվելու
19. Բժշկվելու
20. Զորություն ստանալու համար, որ կարողանամ անել այն, ինչ չեմ կարող անել առանց Աստծոն օգնության:

«Ես կարող եմ ամեն ինչ անել Քրիստոսի միջոցով, որ զորացնում է ինձ» (Փիլիպ. 4.13):

Քաղված՝ «Ավետարեր ձիթենին» գրքից

## Մխալ դատողություն

**Մ**ի տարեց մարդ իր քանիհենգամյա որդու հետ ճամփորդում էր շոգեկառը: Մինչ ճանապարհ էին դուրս գալիս, բոլոր ճամփորդները զբաղեցրին իրենց տեղերը, իսկ այս երիտասարդն արտասվոր ուրախությամբ ու հետաքրքրությամբ սկսեց դիտել չորս կողմը: Նա իր ձեռքը պատուհանից դուրս հանեց և սուրացող օդը զգալով՝ բարձրաձայն ասաց.

- Հայրիկ, նայի՛ր, բոլոր ծառերը ետ են վազում:

Տարեց մարդը ժպտաց և գնահատեց զավակի զգացումները:

Երիտասարդ տղայի մոտ նստած էր մի գույզ, որը լսում էր այս խոսակցությունը: Նրանք մի քիչ տարօրինակ համարեցին 25 տարեկան տղայի մանկական վարմունքը: Հանկարծ տղան բղավեց.

- Հայրիկ, տե՛ս, լճակն ու կենդանիները: Ամպերի՛ն նայիր, որ քայլում են շոգեկառի հետ:

Սկսեց անձրևել և մի քանի կաթիլ տղայի թևին ընկավ: Նա հըրձվանքով փակեց աչքերը և դարձյալ կանչեց.

- Հայրիկ, անձրև է գալիս. ահա տեսնում եմ ջուրը ձեռքիս վրա:

Կողը նստած գույզը չկարողացավ այլևս համբերել և հարցրեց ծերություն:

- Ինչո՞ւ ձեր տղային չեք տանում թժիշկի, որ առողջանա:

Հայրիկն ասաց.

- Հիվանդանոցից ենք գալիս. տղաս կույր էր և այսօր առաջին անգամ տեսնում է չորս կողմը:

Վստահաբար այդ գույզը ամոքահար մնաց, քանի որ սխալ դատողությամբ քննադատել էր այս երիտասարդին, որ կույր էր և հիմա տեսնում էր: Արդյոք մենք նույնապես նման սխալներ չե՞նք անում:

Քաղված

## **Հոգևոր տնտեսագիտության դասեր մանուկների և պատանիների հետ աշխատողների համար (3)**

### **Դաս 4**

«Եվ Նա լեռը քարձրացավ ու Իր մոտ կանչեց նրանց, որոնց Ինքը կամեցավ. և նրանք գնացին Նրա մոտ: Եվ տասներկուսին նշանակեց, որ Իր հետ լինեն, և որ նրանց քարոզելու ուղարկի» (Մարկոս 3:13-14):

Պետք է մեր ժամանակը, մեր աշխատանքը, մեր գումարն ու առաջին հերթին մեզ ներդնենք ՍԱՐԴԿԱՆՅ մեջ:

Տեր Հիսուսն այդպես էր անում Իր երկրային ծառայության երեք տարիների ընթացքում: Նա հստակ ու որոշակի ծրագիր ու ռազմավարություն ուներ Իր ծառայության համար: Նա որոշել էր Իրեն, Իր ժամանակը, Իր աշխատանքը, Իր սերը ներդնել մարդկանց փոքր խմբի մեջ, որոնց ընտրել էր անձանք Իր ծառայության հենց սկզբում:

Հաջորդող երեք տարիների ընթացքում նրանց մեջ տեսավ Իր ներդրումը՝ որպես Իր ծառայության հիմնայուն Նա շատ իրաշըներ գործեց, օգնեց ու բժշկեց շատ ուրիշների, քայլ նախ և առաջ նվիրվեց տասներկուսից քաղկացած այդ փոքր խմբին, որովհետև գիտեր, որ նրանք էին ապագան, ու նրանց էր օգտագործելու Աստված՝ աշխարհով մեկ Ավետարանը տարածելու համար:

Այդ մարդկանց մեջ Նրա ներդրումը մի շարք մասերից է քաղկացած:

### **Ուսուցում**

Նրանց ժամերով սովորեցնում էր Աստծո մասին, Իր մասին, Սուրբ Հոգու մասին ու հենց իրենց մասին, թե ինչ պետք է լինեն ու ինչ անեն: Բազմաթիվ առիթներով տասներկուսին առանձին էր սովորեց-

նում: Ուրիշ դեպքերում էլ նրանք միանում ու լսում էին Նրան հանրության մեջ ծառայելիս:

## **Յուցադրում**

Նա ոչ միայն աշակերտներին ասում էր, թե ինչ անեն, այլև ցույց տալիս, թե ինչպես անեն: Նրա ծառայությունն օրինակ էր հանդիսանում բազում ձևերով՝ մարդկանց օգնելու, նրանց օգնելու ու սիրելու կերպերով:

## **Պատվիրակություն**

Նա նախ աշակերտներին ուղարկում էր քարոզելու և ծառայելու կարիքավորներին, ապա նրանցից ծառայության վերաբերյալ հաշվետվություն էր ակնկալում:

## **Օրինակ**

Ամենից առաջ նրանց համար ապրելու և հանգամանքներին ու դիմակայությանը հակագրելու օրինակ էր ծառայում: Նրա կյանքն աշակերտների համար մտորման (Հովհ. 13:14-15), հալածանքի ու տառապանքի մեջ հանգստության ու խաղաղության (Ա. Պետ. 2:21-23), հեզության (Մատթ. 11:29), մեղմության (Ք. Կորնթ. 10:1), ինքնազդության (Փիլիպ. 2:5-8) և ներողամտության (Կող. 3:13) օրինակ էր:

Մանկանց ավետարանչության ընկերակցություն

## **Üß<sup>3</sup> Ÿ<sup>3</sup> ı áñ Ù<sup>3</sup> n<sup>1</sup>Çİ ə ēī Íá Ù<sup>3</sup> ēÇÝ**

«Ուշադրություն դարձրեք ձեր ապրելակերպին, որովհետեւ դուք կարող եք լինել այն միակ Աստվածաշունչը, որ մարդիկ երբսէ կարդում են»:

Ու Զ Թոմս, արդի գործիչ և քարոզիչ

«Ես միշտ ասել եմ, ես միշտ ասում եմ, որ սուրբ Գրքի շարունակական ընթերցումը կվերտի լավագույն քաղաքացի, լավագույն հայր և լավագույն ամուսին»:

Թոմաս Ջեֆերսոն (1734-1826), ԱՄՆ երրորդ նախագահ

# **Մարիամը այցելում է Եղիսաբեթին**

**Ղուկաս 1.39-56**

## **Եղիսաբեթ**

Մարիամը որոշեց այցելել իր քարեկամուիի Եղիսաբեթին. դա մի այցելություն էր լինելու, որն ամուր հաստատելու էր նրա հավատը: Եղիսաբեթի հավատն ուժեղ էր, և նա սկսել էր գովարանել Աստծուն այն բանի համար, ինչ Նա արել էր իրեն՝ արու զավակ պարզելով, իր նախատինքը վերցնելով մարդկանց միջից: Նա ուրախությամբ ողջունեց Մարիամին՝ ճանաչելով նրա արտոնյալ դիրքը՝ որպես իր Տիրոջ մայր: Նա օրինեց Մարիամին՝ որպես մեկին, ով հավատացել էր իրեն ուղղված Տիրոջ ուղերձին:

Երեխան շարժվեց Եղիսաբեթի որովայնում, երբ Մարիամը ողջունեց նրան: Սա կարող էր լինել Եղիսաբեթի կողմից չգիտակցված զգացմունքային արձագանք, ինչի մասին չգիտենք: Մենք հասկանում ենք Եղիսաբեթի հուզմունքը, քանի որ տեսնում ենք, որ նա խոսում էր բարձրաձայն, հնարավոր է՝ նույնիսկ բղավում էր: Նա օրինեց Մարիամին՝ որպես երանելի մեկին, ով հավատաց, որ Տիրոջ կողմից նրան ասվածները կատարվելու էին:

Եղիսաբեթը լցված էր Սուրբ Հոգով, ինչը նրան հնարավորություն տվեց՝ պատմելու այն պատգամի մասին, որը Աստված էր հայտնել: Քանի որ այդ այցելությունը տեղի ունեցավ Մարիամին իրեշտակի այցելությունից անմիջապես հետո, Եղիսաբեթը չէր կարող Մարիամի մասին եղած նորությունը իմանալ որևէ մարդկային առյօնից: Սուրբ Հոգին հայտնեց, թե ինչ էր եղել Մարիամի հետ, և այնուհետև Եղիսաբեթը բացականչեց, որ երկուսն էլ՝ և՛ Մարիամը, և՛ իր ողովայնում եղած պտուղն օրինված են: Նա հասկացավ, թե ով է գրտնը վկաց Մարիամի որովայնում՝ Մարիամի՝ որպես իր Տիրոջ մոր հետ խոսելով: Նա զարմանում էր, թե ինչով էր արժանացել այդ այցելությանը:

Եղիսաբեթը օրինեց Մարիամին իր հավատի համար: Ի տարբե-

բություն Զաքարիայի՝ Մարիամը հավատացել էր իրեշտակի ուղերձին: Եղիսաբեթն ավելացրեց, որ խոստումն իրականանալու է: Դրանով Եղիսաբեթը ցույց տվեց Աստծո և Նրա հնարավորությունների նկատմամբ հավատը՝ հասնելու նրան, ինչը, որպես կանոն, անհնար է թվում: Այդ իսկ պատճառով նա մեզ համար հանդիսանում է հավատով լցված կյանքի օրինակ:

## **Մարիամի երգը**

Մարիամի պատասխանը Եղիսաբեթին Աստծուն փառաբանելն էր: Նրա գովքը ցույց տվեց իր հավատը և վստահությունը առ Աստված: Իր փառաբանությամբ նա ցնում էր իր Աստծով՝ իր Փրկչով: Իր փառաբանությամբ նա ցույց տվեց իր գիտելիքները Խրայելի պատմության և իր ժողովրդի նկատմամբ Աստծո բարության մասին: Հիմ Կտակարանի թեմաները երևում էին նրա երգի մեջ: Մարիամը ցընծում էր Աստծով՝ իր Փրկչով, քանի որ իհշում էր Իր խոնարի ծառային: Սաղմոս 138:6-ն ասում է. «Թեև Տերը բարձր է, բայց տեսնում է խոնարհին, իսկ հպարտին հեռվից է ճանաչում»:

Նա գիտակցում էր, որ ապագայում հիշվելու է, որպես օրինված կին: Նա գիտակցեց, որ Ամենակարողը իհանալի բան էր արել իր համար: Իրականում, չնայած իրեշտակները հզոր են, նրանք պարզապես կատարում են Տիրոջ Խոսքը՝ հնազանդվելով Նրա ձայնին (Սաղմոս 103:20): Ոչ ոք չի կարող պատմել Տիրոջ գորությունը կամ իմանալ Նրա ամբողջ փառքը (Սաղմոս 106: 2): Մարիամը գիտակցեց Տիրոջ անվան սրբությունը. դա նույնպես Հիմ Կտակարանի հասկացություններից մեկն է. «Սուրբ ու պատվելի է Նրա անունը» (Սաղմոս 111:9):

Դա Աստծո մեծ գործերի և բարության հիշեցումն էր, գործեր, որոնք արկած էին Իր բազուկներով: Աստծո բազուկները միշտ խոսում են Նրա ուժի մասին: Նա ցրեց ամբարտավաններին: Ասորիները, ովքեր հարձակվել էին Երուսաղեմի վրա Եզրեկիայի թագավորության ժամանակ, կոտորվեցին, երբ Աստված միշամտեց Իր ժողովրդին պաշտպանելու համար: Նա հանեց ղեկավարներին իրենց արռողներից: Նարուգողնուսորդ և նրա հետնորդ Բաղդասարը Խրայելի Աստծո կողմից խոնարհեցվել էին: Նա բարձրացրեց հնազանդին. Դավիթը

բարձրացվել էր ոչխարների հովվից թագավորի պաշտոնի, իսկ գերեւ-վարված՝ Դանիելը՝ գերու կարգավիճակից թագավորից հետո երկրորդ մարդու: Աստված նաև կերակրում է սովածներին լավ կերակուրով: Հիշում ենք Հովսեփի եղբայրներին, ովքեր Եգիպտոսում հացահա-տիկ էին գնում իրենց իսկ եղբօրից: Սաղմոս 107:9-ը հիշեցնում է մեզ, որ Աստված հազեցնում է կարուտյալ անձին ու անորի հոգին բարութ-յամբ է լցնում: Նա հարուստներին ձեռնունայն է ճանապարհում: Երբ Մարիամն ասում էր, որ Աստված, Իր ողորմությունը հիշելով, օգնեց Էսրայելին՝ Իր ծառային՝ հիշելով Աքրահամին ու նրա շավովին, միզու-ցե նկատի ուներ Սաղմոս 98:3-ը, որն ասում է. «Հիշեց Իր ողորմությու-նը ու ճշմարտությունը Իսրայելի տան հանդեպ. Երկրի բոլոր ծայրերը տեսան մեր Աստծո փրկությունը»: Աստված միշտ գործում է Իր խոս-տումներին համապատասխան:

Իր երգում Մարիամը նայում է Աստծո մարգարեական խոստում-ների կատարմանը: Մենք տեսնում ենք և՛ նրա ուրախությունը, և՛ նրա հնազանդությունը, ինչպես նաև Աստծո ուժի և ողորմության գիտակցումը: Այստեղ տեսնում ենք նաև Աստծո հավատարմությունը Աքրահամին: Ակնհայտ է՝ Մարիամը հավատում էր, որ Հին Կտակա-ռանում գրված Երրուսաղեմին վերաբերող մարգարեությունները, ո-րոնք արված էին Աստծո կողմից մարգարեների միջոցով, պետք է կատարվեին: Աստված չէր քողել Իր ժողովրդին և շարունակում էր պաշտպանել նրանց:

## **Մեզ համար այսօր**

Մարիամը ցույց տվեց Աստծո նկատմամբ խորը ակնածանը և Աստ-ծո Խոսքի խորը իմացություն: Դրանում նա մեզ համար օրինակ է հանդիսանում: Ինչպես ենք մոտենում Աստծուն: Արդյո՞ք նախ հիա-նում ենք Նրա անձի և գործի մեծությամբ: Արդյո՞ք Մարիամի նման ծանոք ենք Աստծո կատարած բոլոր գործերին, որոնք գրված են Աստվածաշնչում: Եվ հետևաբար արդյո՞ք փառաբանությամբ և ակ-նածանքով գալիս ենք Նրա մոտ՝ ճանաչելով Նրա բարությունը մեր հանդեպ, թե՞ զայխ ենք խնդրանքների երկար ցուցակով: Եթե այդ-պես է, ապա Մարիամի օրինակից պետք է սովորենք Աստծուն իշառաբանել Իր ով լինելու և Իր կատարած գործերի համար:

## ճշմարիտ ապաշխարություն

### Հովել 2.12-32

«Արդեն շատ ուշ է, որ ներողություն խնդրես քո մեղքերի համար, դու պետք է նախապես մտածեիր արարքներիդ հետևանքների մասին, ես ինչպես սկարող եմ ներել քո արարքները», - այս խոսքերը կարող է ասել հայրը որդուն, կինը՝ ամուսնուն կամ ամուսինը՝ կոնջը:

Երբեմ որևէ մեկը քեզ ասե՞լ է, որ ներում խնդրելու համար շատ ուշ է: Սոսկալի բան է, եթի որևէ մեկին ասում ես, թե նա երբեք չի ներվի: Նույնիսկ անհավատարիմ Հուդային Աստված չասաց. «Արդեն ուշ է» կամ «Տեսնենք, թե ինչ կիහնի»: Ճիշտ է՝ Հուդան կործանվեց սոսկալի ժանտախտի ու երաշտի պատճառով, սակայն Աստված Հովել մարգարեի միջոցով ասաց. ««Ուստի, նույնիսկ հիմա, - ասում է Տերը, - Ինձ դարձեք ձեր ամբողջ սրտով, ծոնապահությամբ, լացով ու սպով»: Ձեր սրտերը պատռեցեք, ո՛չ թե ձեր հանդերձները, և ձեր Տեր Աստծուն դարձեք, քանի որ ողորմած է ու գրառատ, երկայնամիտ ու քազմողություն և չարիքի համար զղացող» (Հովել 2.12-13):

Այնուհետև բոլորին ընդիհանուր հրավերը է ուղղվում.

«Ով որ կանչի Տիրոց անունը՝ կփրկվի» (Հովել 2.32):

«Ով որ կանչի Տիրոց անունը». սա չի նշանակում մի քանի անգամ Տիրոջը կանչել, ուղղակի քրիստոնյա դառնալ կամ նույնիսկ հավատարմորեն հոգևոր ծառայությունների ու միջոցառումների մասնակից լինել: Դատարկ խոսքերն ու խոստումները տպավորություն չեն թողնում Աստծո վրա:

Աստված Հովելի միջոցով խոսեց ու ասաց. «Ձեր սրտերը պատռեցեք, ո՛չ թե ձեր հանդերձները»: Չարլզ Սպերչենն իր քարոզներից մեկում ասում է.

«Հանդերձները պատռելը և կրոնական հույզերի այլ արտաքին նշանները հեշտությամբ են դրսնորվում, բայց հաճախ՝ կեղծությամբ: Ճշմարիտ ապաշխարություն զգալն ավելի դժվար է ու հազվադեպ:

Մարդիկ սիրում են մասնակցել մարդաշատ ու տարածում գտած կրոնական արարողություններին, որովհետև դա հաճելի է մարմնի համար, բայց իսկական կրոնը չափազանց խոնարհեցնող է, սիրտը քննող, մարմնավոր մարդու նախասիրություններից վեր: Մարմնավոր մարդիկ գերադասում են ցուցադրականը, աշխարհիկն ու խարխուլը: Արտաքին երևոյթները ժամանակավորապես հարմարավետ են, աչքին ու ականջին հաճելի, ամբարտավան ու մարդուն մեծամտացնող, բայց ի վերջո՞ դրանք մոլորության են տանում, քանզի մահվան ժամանակ և դատաստանի օրը հոգին ավելի ամուր հիմք է պահանջում, քան զուտ արարողություններն ու ծիսակարգերն են: Իսկական բարեպաշտությունից գերծ կրոնը, որը հրամցվում է առանց անկեղծ սրբատի, սին է, ունայն: Երկրպագության բոլոր ձևականությունները երկրնքի վեհասրանչության մեջ կեղծիք են ու հանդուզն ծաղրան»:

Հանդերձները պատռելը կամ այլ արտաքին նշաններն ու դրսեւումները, թերևս մարդուն հոգեկան բավականություն պատճառեն, թերևսացնեն խիդը, տպավորություն թողնեն ուրիշների վրա, բայց ոչ Աստծո: Աստված ոչ թե մակերեսային ու ոչ սրտաքուի դրսեւումներ է ուզում, այլ միմիայն սրտանց նվիրում: Եթե ապաշխարությունը սրտանց չէ, ուրեմն այն իսկական չէ: Իսկ եթե չկա իսկական ապաշխարություն, ուրեմն չի կարող լինել ներում և արդարացում: Աստծուն կրոնի դրսեւումներից առավել մարդու կոտրած ու խոնարի սիրտն է գոհացնում:

Եթե Դավիթը հանդիմանվեց իր մեղքի համար, նա աղերսեց Աստծուն՝ ասելով.

«Ողորմի՛ր ինձ, ո՛վ Աստված՝ Զո գթասիրության համեմատ, Զո առատ գրուվագրությամբ ջնջի՛ր իմ հանցանքները: Իմ անօրենությունից ինձ ամբողջովին լվա՛ ու իմ մեղքից ինձ սրբի՛ր: Զանի որ ես ընդունում եմ իմ հանցանքները ու իմ մեղքը միշտ իմ առջև է: Զո, միմիայն Զո դեմ մեղանչեցի և Զո աչքերի առջև այս չարիքը գործեցի, որպեսզի Դու իրավացի լինես խոսելիս և հստակ՝ դատելիս: Փրկի՛ր ինձ արյան մեղքից, ո՛վ Աստված, իմ փրկության Աստված, ու իմ լեզուն բարձրածայն երգելու է Զո արդարության մասին: Զանի որ Դու զի՞ շես ցանկանում, որ այն մատուցեմ: Դու ողջակեզից հաճույք

չես ստանում: Աստծո զոհը կոտրված հոգին է. կոտրված ու խոնարի սիրտը, ո՞վ Աստված, Դու չես արհամարհի» (Սաղմու 51.1-4, 14, 16-17):

Հուդային ուղղված ապաշխարության կոչն այսօր ուղղված է բոլորին: Նույնիսկ հենց այս պահին էլ է Տերը մարդկանց ապաշխարության կանչում: Նրան դառնալը երբեք ուշ չէ, բայց դա պետք է ավելին լինի, քան արտաքին ծեսն է:

Աստված ուզում է, որ Հուդայի ժողովուրդը սրտանց, ծոմապահությամբ, լացով ու ողբով իրեն դառնա: Ինչո՞ւ պետք է Աստված քիչ ակրնկալի մեզանից, մի՞թե մենք բոլորս ել մեղավոր չենք և փրկության կարիք չունենք:

Մեր սրտերը քարի պես կարծր են, բայց մեր մեղքերի համար խաչված Հիսուսը պատրաստ է մեր ապականված սրտերի փոխարեն նոր սիրտ տալու.

«Եվ ձեզ նոր սիրտ եմ տալու ու ձեր ներսում նոր հոգի եմ դնելու և ձեր մարմիններից հանելու եմ քարեղեն սիրտն ու ձեզ մարմնեղեն սիրտ եմ տալու: Իմ հոգին դնելու եմ ձեր մեջ, ու դուք Իմ օրենքնեռով եք շարժվելու ու Իմ վճիռներն եք պահելու ու գործադրելու» (Եգեկ. 36.26-27):

Թող Աստված օգնի մեզ, որ լսենք մեզ մեղքի համար հանդիմանող Սուրբ Հոգու ձայնը, որպեսզի խոնարհվենք ու աղոքենք, Աստծո երեսը վնասութենք և մեր չար ճամփաներից հեռանանք: Եկեք պատունք մեր սրտերը, ոչ թե հանդերձները, միայն այդ ժամանակ Աստված կների մեզ և նոր սիրտ ու հավիտենական կյանք կտա:

Հովիվ՝ Հովսեփ Հովսեփյան  
Քաղված՝ «Աստծո արհեստանոցը» գրքից

## Զ Ո Յ

## Բարի լուր

**«Ինչպես սառը ջուրն է ծարաված մարդու համար, այնպես է հեռու Երկրից եկած բարի լուրը» (Առակ. 25.25)**

**Մ**արդիկ միշտ լուրի են սպասում, ուզում են լուրեր լսել, նույնիսկ եթե վաս լուրեր են: Մենք ուզում ենք լավ և ուրախալի լուրեր լսել ու դրանք ուրիշներին էլ հաղորդել:

Եթե գերության մեջ գտնվող կամ բանտարկված մարդը, հատկապես նա, ով դատապարտված է մահվան, լուր է ստանում ազատ արձակման մասին, որքա՞ն մեծ ուրախություն է ունենում:

Ավելի մեծ, ուրախալի ու բարի լուր է Ավետարանի լուրը: Մարդը մահվան է դատապարտված, որովհետև խախտել է արդար Աստծո օրենքը: Աստվածաշունչն ասում է. «մարդկանց համար սահմանված է մեկ անգամ մեռնել և որից հետո՝ դատաստան»: Դու կարող ես ասել. «Ես ազատ եմ լինելու Աստծո դատաստանից. մեղք չունեմ»: Յուրաքանչյուր մարդ մեղավոր է, Աստվածաշունչն ասում է թե յուրաքանչյուր մարդ դատապարտության տակ է: Բայց սա է բարի լուրը մարդկության համար՝ Տեր Հիսուսը մեր դատապարտությունը ու մեր մեղքերի պատիմն իր վրա վերցրեց ու մեզ համար պատժեց: Եթե լնդրունես Նրան՝ որպես քո փոխանորդի, ով քեզ համար Աստծո պատիմքը վերցրեց, այն ժամանակ հավիտյան ազատ կլինես Աստծո դատապարտությունից: Լսի՛ր, թե ինչ է ասում Աստծո Խոսքը. «Հիմա դատապարտություն չկա նրանց համար, ովքեր Հիսուս Քրիստոսի մեջ են, ովքեր մարմնապես չեն քայլում, այլ՝ ըստ Հոգու» (Հոռմ. 8:1): Տեր Հիսուսն ասել է. «Ծշմարիտ, ծշմարիտ եմ ասում ձեզ, ով լսում է Իմ խոսքը և հավատում Նրան, որ Ինձ ուղարկեց, հավիտենական կյանք ունի և դատապարտության պիտի չգա, այլ՝ մահից կյանքի է անցել» (Հովի. 5.24):

Եթե հացի կարոտ մի աղքատի բարի լուր գա, թե մեծ ժառանգություն ունի ստանալու, կամ բազավորը պալատի պես տուն ու հարստություն է տալու նրան, ի՞նչ մեծ ուրախություն կունենա: Ավելի մեծ ուրախություն է Ավետարանի Բարի լուրը մեղավորին: Աստծո

Խոսքն ասում է, որ մարդը մեղավոր է ու աղքատ: Աստված նրան ձրի փրկություն, մեղքերի քողություն, երկնային բնակարներ, հավիտենական ժառանգություն է շնորհում: Աստծո Խոսքն ասում է. «Բայց որոնք ընդունեցին Իրեն, նրանց Նա Աստծո որդիներ դառնալու զորություն տվեց, նրանց, որ կհավատան Իր անվանը» (Հովհ. 1.12): Բայց ով չընդունի Տեր Հիսուսին՝ որպես իր անձնական Փրկչի, դարձի չգա ու չխստովանի իր մեղքերը Աստծուն, որքան էլ հարուստ լինի այս կյանքում, դժոխքի բոցերի ու տաճաջանքի մեջ մի կաթիլ ջուր է պաղատելու այն հարուստի պես ու չի ստանալու:

Անրութելի հիվանդությամբ տառապող հուսահատ հիվանդի համար ուրախություն է հիվանդությունից լիովին ազատվելու լուրը, սակայն մեղքի հիվանդությամբ տառապող մեղավորի համար ավելի մեծ ուրախություն է Ավետարանի Բարի լուրը: Մեղավորը մեղքի հիվանդությամբ է վարակված: Աշխարհի բժիշկները, դեղերը ու միջոցները չեն կարող ազատել նրան այդ հիվանդությունից: Բայց լսի՞ր Ավետարանի Բարի լուրը. Քրիստոսը բարի բժիշկն է: Միայն Նա կարող է փրկել քեզ մեղքի աղտից ու հիվանդությունից:

Մարդու հոգին ծարավ է, աշխարհի հաճույքները չեն կարող հազեցնել մարդու հոգին: Տեր Հիսուսը սամարացի կնոջն ասաց. «Ով այս ջրից խմի, նորից կծարավի, բայց ով խմի այն ջրից, որ Ես նրան պիտի տամ, երբեք չպիտի ծարավի: Այլ այն ջուրը, որ Ես եմ տալու նրան, նրա մեջ ջրի աղբյուր կլինի՝ հավիտենական կյանքի համար բխող» (Հովհ. 4.13-14): Եթե չխմես Կենաց ջրից այս կյանքում, դժոխքում աղաղակելու ես մի կաթիլ ջրի համար, ու չի տրվելու քեզ:

Խմի՞ր Կենաց ջրից, քանի որ հարմար առիթ ունես հիմա:

Խ. Գասպարյան